

LEIÐ

FIMMTUDAGUR 25. FEBRÚAR 2021

Tíska



Það er úr nægu að velja á Bókamarkaðnum á Laugardalsvelli. Bryndis Loftsdóttir segir að sjaldan hafi verið úr meiru að velja. FRÉTTABLAÐIÐ/VALLI

Íslensk hráefni
fyrir þína liðaheilsu



EYLÍF

Heilsan er dýrmætust
www.eylif.is

Glæpasagnalengja á Laugardalsvellingnum

Hinn árlegi Bókamarkaður Félags íslenskra bókaútgefenda á Laugardalsvelli verður opnaður í dag. Þar bjóða ríflega eitt hundrað útgefendur nýjar sem eldri bækur á góðum afslætti. Bókamarkaðurinn stendur til 14. mars. ➔2

Framhald af forsiðu →

Bryndís Loftsdóttir hjá Félagi íslenskra bókaútgefenda segir að Bókamarkaðurinn hafi sjaldan verið veglegri. „Bókamarkaðurinn var lengi vel í Perlunni en hann hefur verið á Laugardalsvelli, undir stúkunni, frá árinu 2014. Þar er rúmgóður salur, um eitt þúsund fermetrar og næg bílastæði fyrir utan,“ segir hún. „Við bjóðum rúmlega sex þúsund titla af bókum. Margar af þessum bókum komu út fyrir jólin svo þær eru nýjar en einnig er gífurlega mikið af eldri bókum, sumum þar sem eingöngu örfá eintök eru fánleg. Nokkrir útgefendur hafa augljóslega notað COVID-tímann til lagertiltektar og fundið titla sem taldir voru löngu uppseldir.“

Einstakt úrval bóka

Þegar Bryndís er spurð hvaða bækur fólk sækist helst í á bókamörkuðum, svarar hún: „Það skiptist í þrjá hópa, barnabækur, þýdd og íslensk skáldverk og að lokum fræðibækur og handbækur. Þetta eru mjög jöfn skipti. Það er alltaf mikil ásókn í glæpasögur og við höfum aldrei haft jafn mikið úrval og núna. Við erum með heila 16 metra af spennusögum sem við köllum glæpalengjuna. Það finnst varla meira spennandi hlaðborð en á Laugardalsvelli,“ segir hún og hlær. „Þarna eru bæði íslenskar og þýddar glæpasögur, innbundnar, í kilju og hljóðbækur.“

Léttlestrarbækur fyrir börn

Bryndís segir að nú sé í fyrsta skipti búíð að flokka léttlestrarbækur saman á borð í barnadeildinni. „Þetta gerir yngstu lestrarhestunum auðveldara að velja bækur við sitt hæfi. Þarna eru margar alvöru sögubækur fyrir 5-8 ára krakka. Ætli þessar tegundir bóka séu ekki á sex metrum. Margar ríkulega myndskreyttar með stóru letri.“

Bryndís segir að reynt sé að flokka barnabækurnar eftir aldri og efni. Þannig megi finna þrauta- og verkefnabókaborð, fræðibækur, myndasögur fyrir leikskólaaldur, teiknimyndasögur og þýdd og íslensk skáldverk ætluð grunnskólabörnum. Þar má reyndar einnig finna ungmennabækur, ætlaðar nemendum efstu deilda grunnskóla og framhaldsskóla. „Ég er búin að gefast upp á að flokka sérstaklega bækur fyrir elsta aldursflokkin. Fjölmargar og jafnvel flestar bækur sem koma út hér á landi geta hentað fyrir börn allt niður í 13-14 ára aldur, jafnvel þótt þær séu ekki skrifaðar sérstaklega með þau í huga. Rétt eins og bíómyndir og sjónvarpsþættir. Með því að flokka þær sérstaklega erum við að beina þessum aldursþópi inn á þröngt svið þar sem úrvalið á íslensku verður alltaf af skornum skammti vegna smæðar málsamfélagsins. Að auki eru flestar þær bækur sem við gefum út fyrir þennan aldurshóp alls ekkert síður fyrir okkur sem eldri erum. Við förum hins vegar á mis við þær vegna þess að við sjáum þær ekki eða teljum þær ekki skrifaðar fyrir okkur. Þar með er ég alls ekki að segja að það eigi ekki að gefa út bækur um ungt fólk og þeirra reynsluheim eða læsilegar fræði- og handbækur. Við eigum að gefa út fleiri og betri slíkar bækur og markaðssetja þær einfaldlega fyrir áhugasama lesendur á öllum aldri.“

Eftirspurn eftir útivistarbókum

Þá er boðið upp á ævisögudeild þar sem bókunum er skipt eftir kyni. „Það er ágætt að sjá hversu mikill munur er á fjölda útgefna ævisagna kvenna og karla. Karla-



Bryndís segir að reynt sé að flokka barnabækurnar eftir aldri og efni. Þannig megi finna þrauta- og verkefnabókaborð, fræðibækur, myndasögur fyrir leikskólaaldur, teiknimyndasögur og þýdd og íslensk skáldverk.

FRÉTTABLAÐIÐ/VALLI

Við erum með heila 16 metra af spennusögum sem við köllum glæpalengjuna. Það finnst varla meira spennandi hlaðborð en á Laugardalsvelli.

ævisögurnar eru augljóslega miklu fleiri.“

Þegar bankahrúnið skall á landinu árið 2008 jókst bóksala mikið og var áberandi aukning á sölu handavinnu- og matreiðslubóka. „Á tímum COVID virðumst við hafa fengið nóg af pottum og prjónum því nú beinist eftirspurnin að útivistarbókum, gönguleiðabókum og fróðleik um náttúru og sögu landsins. Þá hefur sömuleiðis verið eftirspurn eftir bókum um alls kyns ræktun. Við erum með gott úrval af ferðabókum frá Ferðafélagi Íslands og fleiri útgefendum á markaðnum. Frábært tækifæri til að fá nýjar hugmyndir um gönguleiðir og ferðir innanlands fyrir sumarið.“

Bækur á 199 krónum

Bryndís segir að það sé skemmtilegt og komi alltaf á óvart hversu mikill áhugi sé á krossgátublöðum. „Sömuleiðis bjóðum við upp á ýmis eldri íslensk tímarit. Þá er einnig sérstakt 199 króna borð þar sem er fjölbreytt úrval af bókum og hljóðbókum.“

Bryndís itrekar að Bóka-



Glæpasagnalengjan er ekkert smærði á Laugardalsvelli.

markaðurinn er við knattspyrnavöllinn á Laugardalsvelli, undir stúkunni, en margir villast yfir í Laugardalshöllina í leit að markaðnum. Á bókamarkaðnum er hægt að fá aðstoð starfsfólks við leit að ákveðnum bókum. „Yfirleitt kemur fólk ekki með eitthvað ákveðið í huga og gefur sér góðan tíma til að skoða. Bækur eru ekki lengur plastaðar svo það er hægt að kíkja í þær, lesa til dæmis nokkur ljóð hér við þjóðarleikvanginn. Við brýnum þó fyrir fólki að spritta hendur við innganginn og nota andlitsgrímu,“ segir Bryndís.

Bókamarkaðurinn verður opinn alla daga frá 10-21.



Mikið úrval er af bókum fyrir yngstu kynslóðina.



Nú er rétti tíminn til að sækja sér gott lesefni.



ES&SY golla með glitter
Fæst í svöru, bláu og ólífugrænu
Stærðir 38-46
Verð kr. 6.980



YESTA shiffonkjóll
Stærðir 44-54,
Verð kr. 18.980




QUE „oversized“ Skyrta
Stærðir 38-52
Verð kr. 27.980



YEST Catelyne Peysukjóll
Stærðir 36-48
Verð kr. 11.980



IVY BELLA Sophie hálfisð skyrta
Stærðir 46-52
Verð kr. 10.980



ZHENZI kjóll
Stærðir 42-56
Verð kr. 12.980



STUDIO shiffonkjóll
Stærðir 40-56
Verð kr. 24.980



YESTA – TessA gallabuxur
Fást líka í svörtu og ljósbláu
Stærðir 44-60
Verð kr. 10.980



YEST - Tess gallabuxur
Fást líka í svörtu og ljósbláu
Stærðir 36-48
Verð kr. 10.980



YESTA Amel kvartermabolur
Fæst líka í Svörtu og navybláu
Stærðir 44-60,
Verð kr. 7.980



Q'NEEL skyrta
Stærðir 38-52
Verð kr. 19.980



NO SECRET stuttermabolur
Stærðir 42-56
Verð kr. 7.980



ES&SY bolur
Stærðir 38-46
Verð kr. 5.980



Hliðartaska með tveimur ólum
Fleiri litir til
Verð kr. 6.990



LASESSOR silkiklútur Múmín
Fleiri litir til Hringur 70x80 cm
Verð kr. 6.990



JANA lakkskór
Fást líka mattir
Stærðir 37-42
Verð kr. 8.990



FESTIVAL nærbuxur
Fást í svörtu og hvítu
Stærðir 38-56
Verð kr. 2.990

Afslappaður stíll og jarðlitir

Diljá Jóhannsdóttir, verslunarstjóri í Collections tískuvöruversluninni á Hafnartorgi, hefur ávallt verið hugfangin af fötum og hefur ætíð haft mjög sterkar skoðanir á því hverju hún klæðist.

Sjöfn
Þórðardóttir
sjofn@torg.is



Diljá er þekkt fyrir sinn afslappaða og stílhreina fatastíl og eftir henni er tekið hvert sem hún fer. Við fengum hana til að lýsa fyrir okkur fatastílnum sínum. „Þeir sem þekja mig eru eflaust flestir farnir að sjá að ég er mjög mikill „sökker“ fyrir kúrekafatnaði, skóm, skyrtum, jökkum, töskum og þess háttar. Þannig að stíllinn minn er svona frekar afslappaður en finn, svo fer það auðvitað eftir tilefnum hvernig ég klæði mig. Þegar ég kem heim eftir vinnu skipti ég alltaf um föt og fer í Polo jogging-galla, mæli klárlega með því að fjárfesta í einum slikum.“

Þegar kemur að vali fatasníðum er Diljá mjög hrifin af beinum og útvíðum buxum. „Þær eru að koma sterkar inn núna. Viðar peysur og skyrtur eru í miklu uppáhaldi og það sama á við blazera, síðir og víðir heilla og verða móðins í vor.“

Polo Ralph Lauren leðurjakkinn í uppáhaldi
Áttu þér uppáhaldsflík sem þú

“Vortískan verður frekar blönduð.

Síðir hversdagskjólar notaðir við gróf ökklastígvél. Buxur eru aðeins að víkka í sniðum, útvítt er ansi áberandi, jakkarnir verða bæði aðsniðnir og víðir. Dragtirnar halda áfram og verða meira hversdagslegar en ekki eins stífar.

gætir ekki verið án í dag? „Það er hiklaust Polo Ralph Lauren „biker“ leðurjakkinn sem ég keypti mér fyrir nokkrum vikum. Þetta er flík sem þú getur notað við kjóla, buxur, pils og samfestinga.“ Diljá er mikil smekkmanneskja þegar kemur að því að velja fatnað og á sína uppáhaldshönnuði. „Ralph Lauren og hans teymi eru klárlega mínir uppáhaldshönnuðir. Hönnun þeirra er klassísk og timalaus og flíkurnar eldast vel.“



Diljá í fina leðurjakknum frá Ralph Lauren. Hún á sér nokkur uppáhaldsmerki og liti. FRÉTTABLAÐIÐ/ANTON



SKOÐIÐ
LAXDAL.IS

Fylgið okkur á FB



Skípholti 29b • Sími 551.4422 • www.laxdal.is

Hvaða tískuvörumerki heillar þig mest?

„Tískuvörumerkin sem heilla mig mest eru Sand Copenhagen, Polo Ralph Lauren, Hugo Boss, Anine Bing og Gustav.“

Þegar kemur að litavali er ekki endilega svo að Diljá fylgi tiskustraumnum hverju sinni. Hún á sér sína uppáhaldsliti sem henni finnst klæða sig best og finnur sig best í. „Þegar kemur að litavali fell ég alltaf fyrir jarðlitum, ég er ekki mikið fyrir skæra liti en er mjög hrifin af skær/dökkbláum. Uppáhaldslitirnir mínir eru „army“-grænn, kamelbrúnn, rústrauður, en ef það kemur að skærari litum þá vel ég blátt. Svo má ekki gleyma hvítu og svörtu ef liti skal kalla.“

Vorið kallar á síða hverdags-kjóla við gróf ökklastígvél

Hvað getur þú sagt okkur um stefnur og strauma í vortískunni? Bæði hvað varðar liti, snið og form. „Vortískan verður frekar blönduð.

Síðir hversdagskjólar notaðir við gróf ökklastígvél. Buxur eru aðeins að víkka í sniðum, útvítt er ansi áberandi, jakkarnir verða bæði aðsniðnir og víðir. Dragtirnar halda áfram og verða meira hversdagslegar en ekki eins stífar. Það verður mikið um leður (og pleður) í buxum og jökkum, leðurblazerar hafa til dæmis verið frekar vinsælir og halda áfram. Hör í ljósum litum, víðar silkiblússur og -buxur. Töskurnar stórar og áberandi, þó að minni stærðirnar séu alltaf líka praktískar.

Litirnir sem verða mest áberandi eru fölbleikur, ljósblár, ljósbrúnn(khaki), rautt, gult og blátt.“ Vorið mun því bjóða okkur upp á skemmtilega blöndu þar sem afslappaður stíll verður í forgrunni og mildir jarðlitir verða allsráðandi sem hafa róandi áhrif á líkama og sál. Sama er að segja um skóna, afslappaður stíll og þægindi fram yfir glamúrinn og stífleikann. „Hvítu strigaskórnir

halda áfram. Gróf ökklastígvél sem flott er að nota með kjólum, buxum og pils.“

Gefandi að finna draumaflíkina fyrir viðskiptavinum

Það má með sanni segja að Diljá sé í draumastarfinu þar sem ástríða hennar fyrir fatnaði fær að njóta sín. Diljá nýtur sín innan um flíkurnar og að fylgjast með tiskustraumum hverrar árstíðar og hefur gaman af því að klæða sig eftir tilefnum og raða fylgihlutum með sem við eiga hverju sinni. Umfram allt finnst henni skemmtilegast að taka á móti viðskiptavinum sínum og aðstoða þá við að finna sína draumaflík. „Starfið er fjölbreytt, gefandi og skemmtilegt. Ég vinn með frábæru fólki og starfsandinn er virkilega góður, sem mér finnst skipta gríðarlega miklu máli. Og hér fær ástríða mín að blómstra, innan um flíkur sem gefa lífinu lit.“